

Ի իւանի գրութեամբ յանձնարարուեց Երևանի փոխ-
թեմակալին յայտնել նորին Վեհափառութեան գոհունա-
կութիւնն ու Հայրապետական օրհնութիւնը Բասարգեչարի
շրջանի ոստիկան պ. Աւետիս Տէր-Գրիգորեանին և եկե-
ղեցու շինութեան հոգաբարձու պ. Ղարիբ Բոյաղչեանին,
որ առաջինն աջակցութիւն է ցոյց տուել եկեղեցու շինու-
թեան գործում, իսկ երկրորդը նուիրել է նորակառոյց
եկեղեցու գմբէթի համար խաչ, մի ջահ, սեղանի վարա-
գոյր և արծաթեայ սկիհ: 29 յունուարի. թ. թ. 209 և 210:

Կոնդակ օրհնութեան Պետրիգորսկի հայոց եկեղեցա-
կան-ժխական դպրոցի Յօբելենական Յանձնաժողովի անու-
նով դպրոցի 25 ամեայ յօբելեանը կատարելու առթիւ:
5 փետրուարի. թ. 257:

Կոնդակ գոհունակութեան և օրհնութեան Թէոդորոս
Խաչիեանցի անունով Շուշու Մեղրեցոյ ս. Աստուածածին
եկեղեցու դպրոցը վերանորոգելու առթիւ, որի համար
ծախսել է 3000 ռուբլի, 8 փետրուարի. թ. 268:



ՍԻՆՕԴԻ ՕՐԱԳԻՆԵՐԻՅՑ ՔԱՂՈՒԱԾՆԵՐ

Թ. 735. 12-13 դեկտեմբերի 1912 թ. Սինօդն ի նկատի
ունենալով, որ ներսէս քահանայ Հերթեցեանը իւր 12
ամեայ քահանայագործութեան ընթացքում միշտ խառնու-
թիւնների և գժտութիւնների պատճառ է եղել և չէ ճա-
նաչել հոգևոր իշխանութիւն, չի կատարել նրա ամենա-
օրինական պահանջները, այլ ընդհակառակը ըմբոստանա-
լով իւր իշխանութեան դէմ անտեղի և անարդար բողոք-
ներ է յարուցանում, իւր գրութիւններում թեմական իշ-
խանութեան համար վիրաւորական ոճ է բանեցնում, բա-
նիցս զգուշացումներ է եղած և պատժուած է, բայց չի
ուղղւում իւր խռովարար ընթացքից, որոշում է ազատ
համարել նորան քահանայական կարգից և խապառ հոգևոր
կոչումից:

Թ. 7. 14 յունուարի 1913 թ. Սինոդը՝ լսելով Երևանի Կոնսիստորիայի 1912 թ. նոյեմբ. 10-ի № 8667 յայտարարութիւնը, որոշեց. Բաշ-Քեադիկլար գիւղի բնակիչ Արիստակէս Յարութիւնեանցին ընդունել հոգևոր կոչման մէջ և պատուիրել Երևանի Հայոց Կոնսիստորիային մացներ հոգևորականների ցուցակի մէջ և առաջագրել Երևանի փոխ-թեմակալին ձեռնադրել ընծայացու Արիստակէս Յարութիւնեանին քահանայ Բաշ-Քեադիկլար գիւղի համար:

Թ. 20. 18 յուն. 1913 թ. Սինոդը՝ լսելով Վրաստանի Հայոց Կոնսիստորիայի կրկնակի յայտարարութիւնը՝ որոշեց. համաձայն Վեհափառ Կաթողիկոսի մակագրութեան թոյլ տալ Վրաստանի Հայոց վիճակային Կոնսիստորիային հոգևոր կոչման մէջ ընդունել Արշակ Շիխեանին և յանձնարարել թեմի ժամանակաւոր կառավարչին ձեռնադրել նրան քահանայ Ռուխսդիր գիւղի համար:

Թ. 21. 18 յուն. 1913 թ. Սինոդը՝ լսելով Շամախու Հայոց Կոնսիստորիայի յունիս 30-ի թ. 1140 յայտարարութիւնը՝ որոշեց. թոյլ տալ Շամախու Հայոց վիճակային Կոնսիստորիային հոգևոր կոչման մէջ ընդունել Յակովբ Մովսիսեանցին և յանձնարարել թեմի առաջնորդին ձեռնադրել նրան քահանայ Բադուի ս. Աստուածածին եկեղեցու այն ժխականների համար, որոնք բնակւում են Բիբի-Հէյրաթ թաղում:

Թ. 22. յուն. 18. Սինոդը որոշեց անցեալ տարիների նման ուղարկել Կ. Պոլսի Հայոց Ամենապատիւ Պատրիարքի անունով մի հարիւր ռուբլի (100 ռ.) իբրև նպաստ Մայր Աթոռի կողմից Ազգային ս. Փրկիչ հիւանդանոցին:

Թ. 36 յուն. 23. Սինոդը՝ լսելով Վեհափառ Կաթողիկոսի անցած տարուայ դեկտեմբերի 28-ի թ. 1846 Կոնդակը, որոշեց. պատուիրել Վրաստանի Հայոց Կոնսիստորիային տալ հանգուցեալ գրականագէտ Ղազարոս Աղայեանի այրի նատալիա Աղայեանին նպաստ տարեկան երկու հարիւր ռուբլի վիճակային արդիւքից մինչև նորամահը՝ սկսած այս յունուարի 1-ից:

Թ. 42. 23 յուն. Սինոդը՝ լսելով Սինոդի հաշուարարական մասի 1612 թ. գեկուցումը, որ վերաբերում է աղարանի անունով ստացուած արարատագների գանձման՝ որոշեց, ի նկատի ունենալով, որ արարատագները չեն ստացւում ս. առաջնորդների անփութութեան պատճառով և որ հարկաւոր է նրանց ուշադրութիւնը գարձնել այս հանգամանքի վերայ՝ խնդրել նորին Վեհափառութեան տնօրէնութիւնը:

Թ. 47. յուն. 25. Սինոդը՝ լսելով Ղարաբաղի Կոնսիստորիայի նախկին անգամ գանձապահ Մուշեղ քահանայ Վարդապետեանի գործը, որոշեց, նկատի առնելով, որ Մուշեղ քահանայ Վարդապետեանը արդէն լրիւ վճարել է իւր վերայ հաշւող 2823 ա. 75 կոպէկի գումարը, գործը կարճել և պատուիրել Ղարաբաղի Կոնսիստորիային փոխադրել Սինոդ այդ գումարը, որ Կոնսիստորիայի նախահաշւով չէ նախատեսանուած իջրե մուտք:

Թ. 52. 28 յունուարի. Սինոդը՝ լսելով Վրաստանի Կայսց Կոնսիստորիայի անցեալ տարուայ մայիսի 5-ի թ. 1756 յայտարարութիւնը Գանձակի ս. Յովհաննէս եկեղեցուն պատկանող «Արափլու» հողաբաժնից 200 դեսեատին հող ժամհարեան նոր բացուելիք Գիւղատնտեսական գըղրոցին ծախելու մասին, որոշեց, համաձայնուելով ծխականների վճռին ս. Յովհաննէս եկեղեցու «Արափլու» հողը ժամհարեանին վաճառելու համար՝ դեսեատինը 100 աուրս լիով, թոյլաւութիւն խնդրել Բարձրագոյն իշխանութիւնից յիշեալ եկեղեցապատկան հողը վաճառելու և այս տնօրէնութեան մասին այժմ և եթ տեղեկացնել Կոնսիստորիային:

Թ. 55. 30/31 յունուարի. Սինոդը՝ լսելով Հոգեորդործերի դեպարտամենտի անցած տարուայ դեկտ. 13-ի թ. 11601 գրութիւնը, որով Ստաւրոպոլի հայոց գերեզմանատանը հայ մատուռ կառուցանելու մասին խնդրում է Սինոդի եղրակացութիւնը, որոշեց, թոյլ տալ Ստաւրոպոլի հայոց գերեզմանատանը մատուռ կառուցանել և յայտնել այս մասին Հոգեորդործերի դեպարտամենտին:

և հրամանագրել Աստրախանի վիճակային Կոնսիստորիային ի պատշաճաւոր կարգադրութիւն, վերադարձնելով գործը: Յայտնել նոյնպէս Կոնսիստորիային, որ, ինչպէս երեւում է այս գործից, Կոնսիստորեան չի վարուել օրէնքի տրամադրութեան համաձայն և խախտել է եկեղեցիների վերաշինութեան համար օրէնքի սահմանուած միջնորդութիւն յարուցանելու կարգը:

Թ. 57. 30/31 յունուարի. Սինօդը՝ լսելով Վրաստանի Հայոց Կոնսիստորիայի յայտարարութիւնը Տփլիսի Թանգոյեան եկեղեցու միաբաններ՝ Ներսէս աւագ քահանայ Աւագեանի և Յարութիւն քահանայ Ճուղուրեանցի անպատեհ արարքների մասին, որոշեց. բեկանել Կոնսիստորիայի վճիռը, որ վերաբերում է Աւագեան քահանային Թէլէթ ուղարկելուն մի ամսեայ քահանայագործութիւնից դադարեցման և պատուիրել խիստ յանդիմանութիւն կարգալ Թանգոյեան եկեղեցու միաբաններ՝ Ներսէս աւագ քահանայ Աւագեանին և Յարութիւն քահանայ Ճուղուրեանին իրենց անպատշաճ վարմունքների համար եկեղեցումէջ, զգուշացնելով նրանց, որ այդպիսի արարքների համար ապագայում խիստ պատժի կենթարկուեն:

Թ. 58. 30/31 յունուարի. Սինօդը՝ լսելով Բջնեցի Շահմուրադ, Հուսէին և Աղամալ Ալիօղլիների կողմից գրաւած վանքապատկան հողերի մասին երեանի շրջանային դատարանի կայացրած վճիռը, որով հողերը յանձնուում են Մայր Աթոռին, որոշեց. վանական կառավարութեան միջոցով պատուիրել կալուածոց կառավարչին յետ վերցնել այդ հողերը և տիրապետել որպէս Մայր Աթոռի սեփականութիւն:

Թ. 59. 30/31 յունուարի. Սինօդը՝ լսելով հանգուցեալ Սարգիս Զանուժեանի յօգուտ ս. Էջմիածնի Գ. Հ. Ճեմարանի կտակած գումարի տոկոսների գործադրութեան համար նորին Սրբութեանը տուած յայտարարութեան մասին, որոշեց. կարճել այս գործը և ներկայացնել Ճեմարանի վարչութեան տարէցտարի գումարւող գրամները Վեհափառի

կողմից նշանակուած սաներ պահելու համար և հրատա-
րակել «Արարատում» այդ մասին:

Թ. 60. 36/31 յունուարի. Սինոդը՝ լսելով Աղէքսանդր
Արամաքլիսեանի կտակով հոգևոր իշխանութեան իրաւա-
սութեան յանձնուած նորա կալուածների շահագործման
և նրանից ստացած փողի գործադրութեան խնդիրները՝
որոշեց. դրամները պահել, մինչև որ կը գոյանայ մի գու-
մար, որով հնարաւոր կլինի կտակի տրամադրութիւնը կա-
տարել՝ միջնակարգ և բարձրագոյն դպրոցներում սաներ
պահել կտակողի անուան յիշատակին հայ չքաւոր ըն-
տանիքներից, իսկ տների վերանորոգութեան համար
այժմ և եթ հոգալ:

